

Aseguratutako bermeei dagokien edozein zerbitzu erabiltzeko, Aseguratuak 91 5724343 (24 ordutan) telefonora deitu behar du.

GAZTE TXARTELAREN TITULARRENTZAKO BIDAIA-ASISTENTZIARAKO 24977 ZK.KO POLIZA

LABURPENA

2022-01-01

BERMEAK

IRIS GLOBAL SOLUCIONES DE PROTECCIÓN SEGUROS Y REASEGUROS S.A.U SArekin adostutako baldintzen arabera, aseguratuta diren pertsonen honako zerbitzu hauek jasotzeko eskubidea dute:

POLIZAREN HASIERA-DATA ETA IRAUNGITZE-DATA: 2022/01/01etik 2023/12/31ra.

HARTZAILEA:

EUSKO JAURLARITZA
DONOSTIA KALEA, Z/G
01010 — GASTEIZ (ARABA)
IFZ: S-4833001-C

AZALPENAK

Polizaren ondorioetarako, honela definitzen dira hitz hauek:

ASEGURATZAILEA.- IRIS GLOBAL SOLUCIONES DE PROTECCIÓN SEGUROS Y REASEGUROS S.A.U, zeinak bere gain hartzen ditu ondoren zehazten diren estalduretatik eratorritako arriskuak.

ASEGURATUA.- Eusko Jaurlaritzak ematen duen GAZTE TXARTELAREN (GAZTE TXARTEL EZ FINANTZARIOA) titularra den pertsona fisikoa.

ESTALDUREN APLIKAZIO EREMUA.- Berme hau baliozkoa da Espainian eta munduko gainerako lekuetan, Aseguratuaren ohiko bizilekutik 30 km-ko eremutik kanpo.

EZ DIRA BERMEAN SARTZEN ONDOZ ONDOKO 105 EGUNETIK GORAKO EGONALDIAK

ASEGURATUTAKO TXARTELAK:

Eusko Jaurlaritzak emandako GAZTE TXARTELA (GAZTE TXARTEL EZ FINANTZARIOA).

ASEGURATUTAKO PRESTAZIOAK:

Pertsonen arriskua (titularraren bidaian gertatutako heriotza, istripua edo gaixotasuna):

A. ASISTENTZIA MEDIKOA ETA ABERRIRATZEA:

A.1. ZAURITUEN EDO GAIKOEN ABERRIRATZEA EDO OSASUN-GARRAIOA

Premiaren edo larritasunaren arabera, eta atal horren barruan sartuko dira, halaber, premiazko arreta behar duten sexu-eraso, sexu-abusu eta genero-indarkeria kasuak, Aseguratzaiak bere gain hartuko du Aseguratuaren garraioa, baita medikuaren zaintzapean denean ere, hala badagokio, bere bizilekutik hurbil den Espainiako ospitale batera ekarri arte, edo haren ohiko bizilekura, ospitaleratzetik behar ez duenean. Bizilekutik gertu den batean ezin bada ospitaleratu, Aseguratzaiak bere gain hartuko du Aseguratuaren bizilekuraino, dagokion unean, egingo den lekualdaketa.

Garraioa:

Osasun-hegazkin berezia Europako herrialdeetarako edo Mediterraneo itsasoaren mugakideetarako. Linea erregularretako hegazkina, tren edo itsasontzia.

Anbulantzia.

Aberriratzea eragiten ez duten kalte onberak edo zauri arinak izanez gero, garraioa ambulanziaz edo beste edozein bitartekoz egingo da, zainketa egokiak eman daitezkeen lekuraino.

Aseguratzaiak ez ditu, inola ere, larrialdiko sorospen-erakundeak ordezkatu, eta ez da zerbitzu horien kostuaz arduratuko.

Nolanahi ere, lekualdaketa egiteko edo ez egiteko erabakia Aseguratzaiak kasu bakoitzean izendatutako medikuari dagokio, hari aldezturik kontsulta eginda, Aseguratu tratatzen duen medikuarekin eta, horretarako aukera badago, familiarekin ados jarrita.

A.2. HILDAKO ASEGURATUAREN ABERRIRATZEA EDO LEKUALDATZEA.

Aseguratua bidaia batean HILTZEN bada, Aseguratuak arduratuko da izapide guztiez eta, lege- eta administrazio-baldintza guztiak betez, beharrezko eta derrigorrezko baliabideak jartzeaz. Hala, bere gain hartuko ditu HILDAKOA bere ohiko bizilekura garraiatzeak eragindako gastuak, eta baita hilonduraren eta zinkeko garraio-hilkutxaren gastuak ere.

A.3. LAGUNTZAILEEN ABERRIRATZEA EDO LEKUALDATZEA

Aseguratuaren itzulera aurreko bermeetan (1. eta 2.) azaldutako arrazoietakoa baten zioz egiten denean eta horrek gainerako laguntzaileei galarazi egiten badie bidaia hasieran aurreikusitako bitarteko egitea, Aseguratuak bere gain hartuko du gainerako laguntzaileak euren ohiko bizitokira garraiatzeko ardura.

A.4. ADINGABEEN ABERRIRATZEA EDO LEKUALDATZEA

Aurreko kasuan, Aseguratuari laguntzen diotenak 18 urtetik beherako (edo adina edo osasun egoera dela-eta arreta berezia behar duten) seme-alabak baldin badira, eta ez badute bidaian lagunduko dioten familiarrik edo konfiantzazko pertsonarik, Aseguratuak pertsona bat jarriko du horien eskura, familiak aurretik hala eskaturik, ehorzte tokiraino edo Espainiako bere bizitokiraino lagun diezaien.

Adingabeen lekualdatze-gastuei dagokienez, Aseguratuak normalean aurreikusitakotik (treneko, hegazkineko, itsasoko zeharkaldiko eta abarretako txartelak) gorakoak direnak baino ez ditu bere gain hartuko.

A.5. GORPUZKIEI LAGUNTZEN DENAREN LEKUALDATZE GASTUAK

Aseguratuaren familiarrek izendatu eta haren herrialdean bizi den pertsonari Aseguratuak joan-etorriko txartel bat emango dio, gorpuzkiei laguntzeko, dela trenaz (lehen klasean), dela hegazkinaz (turista klasean) edo Aseguratuak egokien irizten duen garraio bide publiko edo kolektiboa erabiliz egiteko.

A.6. HILDAKOAREN LAGUNTZAILEAREN ITZULERA

Hildako Aseguratua bere bikotekidearekin, anai-arrebekin edo beraren edo bikotekidearen nahiz euren bien lehen graduko familiarrekin bidaiatzen balitz, Aseguratuak antolatuko du, gastuak bere gain hartuz, horien bizilekuraino itzulera, dela trenaz (lehen klasean), dela hegazkinaz (turista klasean) edo Aseguratuak egokien irizten duen garraio bide publiko edo kolektiboa erabiliz, betiere ezin badute jarraitu erabiltzen ari ziren garraio bidearekin.

A.7. FAMILIA LAGUNTZA

"Ospitaleratutako Aseguratuaren laguntzailearen lekualdatzea" edo "Gorpuzkiei laguntzen dien lekualdatzea" estaldura aplikatzearen zioz adingabeko seme-alabak bakarrik geratuko balira familiarren etxebizitzan, Aseguratuak pertsona bat jarriko du haiek zaintzeko, gastuak bere gain hartuz, 601 € arte.

A.8. MEDIKU, EBAKUNTZA, FARMAZIA EDO OSPITALERATZE GASTUEN ORDAINKETA EDO ITZULKETA

Berre honen bidez, Aseguratuak bere gain hartuko ditu Aseguratuari bidaiatzean gertatutako ustekabeko istripu edo gaixotasunengatik sortutako gastuak, betiere estaldura honen baliozkotasun epean gertatzen direnean eta muga jakin hauekin: Espainia barruan, 601 € arte; atzerrian, 4.001 € arte. Atal horretan sartuko dira, halaber, sexu-erasoak edo -abusuek eragindako gastuak, eta baita genero-indarkeriak eragindakoak ere.

Aipatzen diren gastu horien itzulketa, dena dela, Aseguratuak, izan Gizarte Segurantzako prestazioengatik izan afiliaturik zen beste edozein aurreikuspen-erregimenengatik, jasotzeko eskubidea lukeen beste prestazioen osagarri izango dira.

Beraz, Aseguratuak konpromisoa hartzen du erakunde horietatik kobratzeari begira egin behar diren gestioak burutzeko eta Aseguratuak aurreratu izan duen edozein zenbateko itzultzeko.

A.9. ODONTOLOGIA GASTUAK

Premiazko odontologia gastuen muga 81 € da.

A.10. LEKUALDATUENTZAKO BIGARREN MEDIKU IRITZIA

Atzerrirako iraupen luzeko desplazamenduan Aseguratuari erantsirik doan zerrendan (*) jasotzen direnetako gaixotasun larri bat lehen aldiz diagnostikatzen bazaio, hark bigarren mediku-iritzi bat eskatu ahalko dio Aseguratuak diagnostikoaren edo gaixotasunaren mediku-tratamendua gainean.

Bigarren mediku-iritzi hori aurrez aurre (kontsulta eta probak, estalduraren mugaraino iritsi arte) edo agiri bidez (espezialistak eskura dagoen informazioa aztertu eta horren arabera Aseguratuaren galderei erantzungo die) egin ahalko da.

Agiri bidezko bigarren mediku-iritzia emateko, Aseguratuak bere ardurapean eta bere kontura igorriko ditu mediku-txostenen, irudi bidezko miaketan, biopsien eta/edo bestelako diagnostiko-proben kopia.

Batean zein bestean, Aseguratuak izendatuko ditu kontsultore horiek, Espainiako edo Aseguratuaren jatorriko edo bizitokiko herrialdeko lehen mailako espezialisten artean edo zentro asistentzial, mediku edo akademikoen artean aukeratuta. Aurrez aurreko bigarren mediku-iritziaren kasuan, estaldurako diagnostiko-probak Aseguratuak izendatutako kontsultoreak agintzen dituenak izango dira, betiere estalduraren muga barruan direla.

Aseguratua mediku baten zuzendaritzapean den osasun talde batek lagunduta eta informatuta egongo da, uneoro, prozesu osoan, eta mediku horren ardurapean egongo da kasuaren kudeaketa ere.

Bigarren mediku-iritzia lehen diagnostikoa izan eta, gehienez ere, hiru hilabeteko epean eskatu beharko da Aseguratuak.

Berre horrentzako gastu guztien gehieneko muga 1.000 € izango da.

TXARTELAREN JABEAK BERETZAT GORDETZEN DU POLIZA HAU EDOZEIN UNETAN EZEZTATZEKO ESKUBIDEA

(*) GAIXOTASUN ZERRENDA

- Organoak ukitzen dituzten gaixotasun kardiobaskularrak (miokardio-infartua). Gaixotasun koronarioa (balbulopatia aurreratuak, gorputz-adarren iskemia kroniko larria) edo diagnostikorako prozedura inbasiboak edo birbaskularizazio koronarioko kirurgia (bypass-a) edo balbula edo hodietako esku-hartzeen gisako tratamenduak eskatzen dituztenak.
- Garuneko eta odol-hodietako gaixotasunak (garuneko odoljarria, garuneko infartua).
- Gaixotasun neurologiko, neurodegeneratibo eta neurokirurgiko potentzialki progresiboak (esklerosi anizkoitza, AEA).
- Parkinson.
- Alzheimer.
- Ikusmena galtzeko arriskua dakarten begietako afekzioak.
- Onkologia eta Onko-hematologia (minbizia).
- Giltzurrun-gutxiegitasuna.
- IHES.
- Nahasmendu autoimmuneak.
- Organo-transplantea (bihotza, birrikak, gibela, pankrea, giltzurruna eta hezur-muina).
- Bizkarrezurreko ebakuntza kirurgikoak.
- Ospitaleratzea eskatzen duten konplexutasun handiko ebakuntza kirurgikoak (zirujau superespezializatuen esku-hartzea behar dutenak) gaixotasun edo patologia traumatologiko larriak tratatzeko.

A.11. HOTELEKO EGONALDIA LUZATZETIK ERATORRITAKO GASTUAK

Tratatzen duen medikuak, Aseguratzailerak izendatutako medikuarekin bat etorri, irizten badu Aseguratuaren, gaixoaren, zaurituaren edo sexu-eraso edo -abusuen nahiz genero-indarkeriaren biktimaren egoeratik ezin dela itzuli, Aseguratzailerak bere gain hartuko ditu hoteleko egonaldia luzatzetik eratorritako gastuak. Egonaldia hiru izarreko edo horren baliokideko hoten batean izango da, gehienez 10 gauez.

A.12. LAGUNTZAILEAREN LEKUALDATZEA ASEGURATUA 5 EGUN BAINO GEHIAGO OSPITALERATZEAGATIK

Aseguratuaren, gaixoaren, zaurituaren edo sexu-eraso edo -abusuen nahiz genero-indarkeriaren biktimaren egoerak aberriratzeko edo berehalako itzulera galarazten badu eta aurkitzen den tokiko ospitaleratzea 5 egun baino gehiagokoa bada, Aseguratzailerak bere gain hartuko du hau: joan-etorriko txartel bat trenez (lehen klasea) edo hegazkinez (turista klasean) Aseguratuaren familiako kide bat edo hark izendatzen duen pertsona bat ospitaleratuaren ondoan egon dadin.

A.13. ATZERRIRATURAKO LAGUNTZAILEAREN EGONALDIA ASEGURATUA 5 EGUN BAINO GEHIAGO OSPITALERATZEAGATIK

Aurreko bermean azaltzen den atzerriko ospitaleratzea jazotzen bada, gainera, hiru izarreko edo horren baliokideko hotel bateko egonaldiko gastuak abonatu dira, gehienez ere 10 gauez.

A.14. OSPITALEKO ALTA ONDORENGO ITZULERAREN GASTUAK

Polizak estaltzen duen istripu edo gaixotasun batengatik ospitaleratuak izan ondoren -eta beraz, galdua dute Espainiara itzultzeko txartela, itzulerarako ezarritako data eta orduan ezinezkoa zitzaielako zegoen garraioa hartzerantz - eta alta emana dioten Aseguratuaren itzulerako gastuak bere gain hartuko ditu Aseguratzailerak, 601 € arteko mugarekin.

A.15. AURRETIAZKO ITZULERA ESPAINIAN SENIDE BAT HIL EDO OSPITALERATU DELAKO

Bermatutako bidaia egin bitartean Espainian Aseguratuaren ezkontidea edo lehen graduako ondorengo edo aurreko ahaideren bat hilko edo ospitaleratu balitz, bermaturik dira garraio publikoa erabiliz bere ohiko bizilekura aurretiaz itzultzeagatik sortutako aparteko gastuak.

A.16. ASEGURATUAREN AURRETIAZKO ITZULERA BERE OHIKO ETXEBIZITZAN EDO LANEKO LOKALETAN EZBEHAR LARRIAGATIK

Aseguratzailerak bere gain hartuko ditu trenez (lehen klasean), hegazkinez (turista klasean) edo Aseguratuak egokien irizten duen garraioa publiko edo kolektiboa erabiliz bere ohiko etxebizitzaraino iristen sortutako lekualdatze-gastuak, ohiko etxebizitzan edo bereak diren edo alokatuta dituen lokal profesionaletan jazotako sute, leherketa, uholde edo lapurretatik, baldin eta ezinezkoa balitz etxe edo lokaletan bizitzea, edo horietan kalte handiagoak gertatzeko arriskua balego. Gertaerak Aseguratuaren bertaratze eta bidaiatzea ekarriko du, ezinbestean, betiere lekualdatzea bere garraioa edo bidaiarako kontratatutako bitartekoaz ezinezkoa balitz.

A.17. ETXEAN EMATEKO LAGUNTZA

"Osasun lekualdatzea edo Aberriratzeko medikoa" estaldura erabilirik Aseguratu ospitaleko zentro batean egon balitz eta bere ohiko etxebizitzan sei (6) egun edo gehiago mugitu gabe egoteko agindu bazaio, Aseguratzailerak asistentzia-plan bat prestatuko du, Aseguratuarekin batera koordinatuta, dagoen egoeran benetan eta berehala beharko dituen beharrak edo egokienak direnak kontuan hartuta, hala nola: irakasle partikularrak, asistentzia etxebizitzan, asistentzia geriatrikoa, etab. Asistentzia-planak 601 €-ko muga izango du Aseguratu eta ezbehar bakoitzeko.

A.18. HIL ONDORENGO GASTUAK

Estaldurak barne hartzen ditu gorpuzkia egokitze gastu osagarriak, hala nola hilondura nahiz legezko betekizunen arabera lekualdatzeko behar den derrigorrezko hilkutxa, 801 € arteko mugarekin.

A.19. ATZERRIKO LEGEZKO DEFENTSA-GASTUEN AURRERAKINA

Istripu bat izateagatik edo sexu-eraso edo -abuso batengatik nahiz genero-indarkeriaren kasuagatik Aseguratu legezko defentsa kontratatu beharrean bada, Konpainiak aurreratutako dizkio horrek sor dakizkiokeen gastuak, 801 € arte.

Aipatu aurrerakina eskatzen den herrialdeko legediaren mende egongo da.

Aurrerakin gisa jasotzen den zenbatekoa bermatzeko, Aseguratuak aurretik eskubidea izango du aurrerakin hori egin izanaren (banku-taloia, eskudirutan edo zor-aintzatespena) fede emango duen pertsona edo banku-erakunde bat izendatzeko Espainian.

Aseguratzailerak Aseguratuari zor-aitorpena egitea aukeratzen badu, behartuta dago Aseguratzailerak aurreratutako zenbatekoa bidaia amaitu TXARTELAREN JABEAK BERETZAT GORDETZEN DU POLIZA HAU EDOZEIN UNETAN EZEZTATZEKO ESKUBIDEA

ondorengo 10 eguneko gehieneko epean edo, edonola ere, aurrerakin-dataren ondorengo bi hilabeteren barruan, itzultzera.

A.20. ATZERRIKO FIDANTZA JUDIZIALAREN AURRERAKINA

Istripu bat izan eta hori gertatu den herrialdeko agintariak fidantza penal bat eskatzen badiote Aseguratuari, Aseguratuak aurreratu egingo du dagokion zenbatekoa, 9.000 € arte.

Aipatu aurrerakina eskatzen den herrialdeko legediaren mende geratuko da.

Aurrerakin gisa jasotzen den zenbatekoa bermatzeko, Aseguratuak aurretik eskubidea izango du aurrerakin hori egin izanaren (banku-taloia, eskudirutan edo zor-aintzatespena) fede emango duen pertsona edo banku-erakunde bat izendatzeko Espainian.

Aseguratuak zor-aitorpena egitea aukeratzen badu, Aseguratu behartuta dago Aseguratuak aurreratutako zenbatekoa bidaia amaitu ondorengo 10 eguneko gehieneko epean edo, edonola ere, aurrerakin-dataren ondorengo 2 hilabeteren barruan, itzultzera.

A.21. ATZERRIKO OSPITALE FIDANTZAREN AURRERAKINA

Aseguratuak istripua edo gaixotasun larri bat izanik ospitaleratu beharrean bada, Aseguratuak aurreratu egingo du, eskudirutan, Aseguratu onartzeko ospitaleak eska dezakeen fidantza, A.8 atalean ezarritako muga berarekin.

Aipatu aurrerakina eskatzen den herrialdeko legediaren mende geratuko da.

Aurrerakin gisa jasotzen den zenbatekoa bermatzeko, Aseguratuak aurretik eskubidea izango du aurrerakin hori egin izanaren (banku-taloia, eskudirutan edo zor-aintzatespena) fede emango duen pertsona edo banku-erakunde bat izendatzeko Espainian.

Aseguratuak zor-aitorpena egitea aukeratzen badu, Aseguratu behartuta dago Aseguratuak aurreratutako zenbatekoa bidaia amaitu ondorengo 2 eguneko gehieneko epean edo, edonola ere, aurrerakin-dataren ondorengo bi hilabeteren barruan, itzultzera.

A.22. BOTIKEN BIDALKETA

Konpainiak kudeatuko du Aseguratu ospitaleraturik den herrialdean lortu ezin diren eta zeharo garrantzitsuak diren botiken bidalketa nahiz bidalketa.

Aipatu bidalketa eskatzen den herrialdeko legediaren mende geratuko da.

Dena dela, Espainiako Farmazeutikoen Zuzendaritzak edo Kontseiluak esaten badu behar den produktu hori ez dagoela estatuko merkatuan, Konpainiaren ardura azkendu egingo da.

Botiken balioa eta horien bidalketako kostua Aseguratuaren kontura izango dira.

A.23. BISITA ETA INFORMAZIO MEDIKOA

Aseguratuak bere bizitokitik kanpoko herrialde batean izanik Asistentzia Berme honetan jasotzen ez den asistentzia medikoa eskatzen badu, Aseguratuak honela lagunduko du: ospitale edo mediku egokiena zein den azalduko dio Aseguratuari.

Pazientearen egoera diagnostikatzeko mediku kalifikatu baten izena emango dio, hark pazienteari eta haren familiari egoeraren berri eman diezaion. Aseguratuaren eta medikuaren arteko itzulpen/interprete sistema bat eskainiko du.

Aseguratuari mediku fakturak ordaintzen lagunduko dio. Aseguratuari bakarrik dagokio faktura horiek ordaintzearen erantzukizuna.

A.24. INTERPRETEA ISTRIPU EDO GAIXOTASUNAGATIK

Atzerrian izandako istripu edo gaixotasun larri batengatik, sexu-eraso batengatik edo genero-indarkeria jasateagatik gertaeraren lekuan interprete baten esku-hartzea behar balitz, Aseguratuak konpromisoa hartzen du interprete bat lehenbailehen Aseguratuaren esku jartzeko. Estaldura horren kostua Aseguratuaren kontura izango da.

A.25. OSPITALERATZEKO ADMINISTRAZIO IZAPIDEETARAKO ZERBITZUA

Aseguratuak arduratuko da Aseguratu ospitale batean onartua izan dadin egin beharreko administrazio-izapideez, polizaren estalduraren barruan dagoen arrazoi batengatik ospitaleratu beharrean denean.

A.26. ATZERRIRA BIDAIATZEKO INFORMAZIO ZERBITZUAK

Aseguratuak honako informazio hau eskainiko du Aseguratuaren eskariz:

Atzerriko herrialdeetara joateko txertoak eta bisa eskaerak, eta TIMen (Travel Information Manual, ingelesez) azken argitalpenean zehazten diren betekizunak. Bidaiei buruzko informazio eskuliburua, IATAren aireko lineen argitalpen bateratua.

Aseguratuak ez du bere gain erantzukizunik hartzen TIMen azaltzen den informazioa zehatza izateaz, ezta ere aipatu argitalpenean izan daitezkeen aldaketek gainean ere.

Espainiak mundu osoan dituen enbaxada eta kontsulatuak helbide eta telefonoak, nonahi direla ere.

A.27. PRESAKO MEZUEN IGORPENA

Berme honetan jasotako ezbehar baten zioz Aseguratuak senideei premiazko mezu bat igorri beharrean bada, Aseguratuak arduratuko da hori egiteaz, Aseguratuak hala eskatuta.

A.28. HERRIALDEEN GIDA

TXARTELAREN JABEAK BERETZAT GORDETZEN DU POLIZA HAU EDOZEIN UNETAN EZEZTATZEKO ESKUBIDEA

Aseguratuak jomuga-herrialdeei buruzko informazio eguneratua jartzen du Aseguratuaren eskura, haren webgunera sartzeko aukera emanez. Webgunean azaltzen da gomendatutako txertoei zein inguru horretako gaixotasunei buruzko informazioa. Herrialde horretako osasun-asistentziari buruzko gomendioak eta larrialdietarako helbideak nahiz harremanetarako telefonoak ere jasotzen dira, gehigarri modura. Informazioa gomendio orokorrekin osatzen da: kultura ezaugarriak, enbaxadak, dibisa, tokiko jaiegun nagusiak, eta klima.

B. BAGAJEA

B.1. BIDAIATZEAN AHAZTUTAKO ETA/EDO LAPURTUTAKO OBJEKTUEN BIDALKETA

Aseguratuak bidaiatu duen lekuan edo lekuetan objektuak ahaztu baditu, Aseguratuak antolatu eta bere gain hartuko du horiek Aseguratuaren etxebizitzara itzultzeko kostua, 801 € arteko mugarekin.

Bidaiatzean lapurtu ondoren berreskuratutako objektuei ere aplikatuko da berme hori.

B.2. GALDUTAKO EDO AHAZTUTAKO BAGAJEEN BILAKETA

Bagajeak galtzen badira, Aseguratuak laguntza emango du galdutako edo ahaztutako bagajearen bilaketa kudeatzen.

C. ERANTZUKIZUN ZIBILA:

Aseguratuaren kontura izango dira Kode Zibilaren 1902tik 1910era bitarteko artikuluen eta atzerriko antzeko xedapenen arabera Aseguratuak, pertsona pribatua den aldetik, eman beharreko diruzko kalte-ordainak, hark hirugarrenei, animaliei edo gauzei nahigabe eragindako kalte fisiko edo materialen gaineko erantzukizun zibilarengatik. Estaldura horretarako **60.000 €**-ko kalte-ordaina ezartzen da, gehienez, ezbehar bakoitzeko.

Estalduratik kanpo geratzen dira erantzukizun zibil profesionala, ibilgailu motordunen erabilera eta zirkulaziotik eratorritakoa, eta edozein mota edo izaerako lehergailu eta armak erabiltzetik edo jabetzan izatetik eratorritakoa.

Estaldura honen aplikazio-eremua atzerria da; beraz, estalduratik kanpo dira Espainian gertatutako jazoera guztiak.

SALBUESPENAK:

Estalduratik kanpo daude:

- 1.- Lehendik dauden eta bat-batean larriagotzeko arriskua duten gaixotasunen berrerorialdiak, Aseguratuak bidaiari hasteko unean ezagutzen dituenak.
- 2.- Aseguratuak ezagutzen dituen eta aurrekari medikoak dituzten egoera patologikoak, bidaiatuz gero okerrera egin dezaketenak.
- 3.- Haurdunaldiak. Hala ere, aurrekusi ezin diren konplikazioen kasuak estalita dira seigarren hilabetera arte.
- 4.- Pertsonen erreskatea mendian, itsasoan edo basamortuan.
- 5.- Arrisku handiko kirolen jarduna, hala nola mendizaletasuna, eskalada, moto-krosa, motorrik gabeko hegaldia, delta hegala eta antzekoak.
- 6.- Eskiatzean gertatutako istripuak.
- 7.- Gaixotasun kroniko bati, edozein motatako protesiei eta sendaketa termalei dagozkien gastuak.
- 8.- Suizidioak, autolesioak eta drogak edo alkoholak eragindako intoxikazioak.
- 9.- Aseguratuak ez ditu ordezkatuko premiazko laguntza ematen aritzen diren erakundeak, eta ez du bere gain hartuko zerbitzu horien kosturik.
- 10.- Hartutako Immunoeskasiaren Sindromearen (HIES) gaixotasunak, bai eta alkoholismoak eta droga-mendekotasunak eragindako arazo guztiak ere.
- 11.- Aldez aurretik ezagutzen diren gaixotasunen txertoak eta kontrolak.
- 12.- Izpi ultramoreen bidezko sendaketa termal eta terapeutikoak.
- 13.- Fisioterapia eta kinesioterapia.
- 12.- Buruko gaixotasunak, eta psikoanalisi eta psikoterapia.
- 15.- Gerra, gerra zibil eta bahitze arriskuak.
- 16.- Herri matxinada, terrorismoa eta sabotajea.
- 17.- Zerbitzu publikorako ez diren jabetza partikularreko aireontzien erabilpena, bai eta fumigatzeko, suteen aurka borrokatzeko edo salbamendu-zerbitzuetarako helikopteroak eta hegazkin txikien erabilpena ere.

LABURPEN HAU ASEGURATUEI EMAN BEHAR DIE HARTZAILEAK. EUSKO JAURLARITZAK ETA IRIS GLOBAL SOLUCIONES DE PROTECCIÓN SEGUROS Y REASEGUROS S.A.U -K SINATUTAKO 24977 ZK.KO POLIZA KOLEKTIBOARI APLIKA DAKIZKIOKEEN KONTRATU-BALDINTZEN LABURPENA DA. EDOZEIN ZALANTZA EDO INTERPRETAZIO SORTUZ GERO, ASEGURATUA

HARTZAILEAREN EGOITZARA JOAN DAITEKE DOKUMENTU HONEKIN. ASEGURATUTAKO BERMEAK 24977 ZK.KO POLIZAREN INDARRALDI OSOAN MANTENDUKO DIRA, ETA HURA IRAUNGITZEN DENEAN BAINO EZ DIRA AMAITUKO.